



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

28. Decembris. Discussis, decretisque jam rebus, nox ultimum dare debet
consilium. S. Ign. ap. Bart. I. 3. n. 35.

[urn:nbn:de:hbz:466:1-50423](#)

si timori spem substituamus. Nemo plus nos impedit, quam ipsi; dum nimium sapere volumus, desipimus.

Frustra fatigaris, brevior humana est perspicacia, quam ut prævideat universa; quæ suspicaris, nunquam evenient, sicut autem, quæ tu non cogitas. Divinæ alii quid providentiae relinquendum, suus etiam spei dandus est locus.

28. Decembris.

Discussis, decretisque jam rebus, nox ultimum dare debet consilium. S. Ign. ap. Bart. l. 3. n. 35.

PRUDENTIA VIRTUS NON ESSET, SI OMNIA, quæ nobis incidunt, consilia essent; quam bellè tum omnia, & nihil inconsulto gereretur, sed ut non quodvis cerebrum Palladem, ita nec quævis incidentia, consilium parit.

Consilia, ut iis tuto uti possis, festina non sint; præcipitata enim facile præpitant. Ut una fax alteri, sic & cogitatio una lucem addit alteri, ut magis perspicue, quid agendum sit, videas.

Multa impetus dictat, qui justâ, si temporetur morâ, damnabit, quæ ante proba-

baverat. Sæpe passio menti offundit caliginem, hæc judicium eripit, cui tempus mederi potest: quantum enim subsidit illa, tanto plus lucis affulget.

Nemo omnibus horis sapit. Novercæ sunt dies aliquæ in nostram ortæ perniciem; noctem, si expectamus, felicior illucescer altera. Dilata fieri possunt, facta, si malecedant, mutari non semper possunt.

29. Decembris.

Otium malorum omnium erigo, quoad ejus fieri poterit, locum non habeat. S. Ignat,
P. 2. C. I. n. 6.

Ad filii sumus, nostræ nos decet non oblivisci hæreditatis, ut in sudore vultûs pane nostro pascamur. Qui non laborat, non manducet, vox est Apostoli. Quî facto vespere grossum speres? si non laboras in vinea.

Homo nascitur ad laborem; nihil agere, perinde est, ac non vivere. Vita corporis in motu consistit, si cessent arteriæ, si anhelitus sistat, deficit vita; sic nec anima vivere censenda est, quæ, quod deberet, non agit.

Tempus illud inter perdita computandum